

ميشة هينا

رشا جمعة

الكتاب : رواية عيشة هنا ٢

الكاتبة : رشا جمعة

تصميم الغلاف : محمد عبد المحسن



تنسيق داخلي : هبه خليل

مراجعة لغوية : سامح سرور

الطبعة : الأولى

رقم الإيداع: ١٤٦٤٢

الترقيم الدولي : ٣-٣٧-٦٧٢٧-٩٧٧-٩٧٨

الناشر : السعيد للنشر والتوزيع

المدير العام : لمياء السعيد

برج الهادي - الدور الأول 36 - ش عبد الحميد الديب - شبرا مصر

01550096215 – 0222017260

elsaidpublisher@gmail.com

جميع الحقوق محفوظة للناشر

رواية

عيشة هنا
رشا جمعة



إهداء إلى



أُمِّي وَأَبِي

السبب الرئيسي في تكوين شخصيتي وأفكاري .. اللذان
أدين لهما بالفضل والعرفان وأدعو الله أن يحفظهما لي

زوجي الغالي

لولا وجوده بجانبى ما استطعت تحقيق أحلامي

وأخيراً إلى كل من كان سبباً في تعلّمي ولو بكلمة وضعتني
خطوة على الطريق

رشا جمعة

مقدمة

كام يوم صحينا فيه واحنا عندنا إحساس إنه يوم عادى زيه زى باقى الأيام إالى بتمر علينا فى حياتنا.

طب إنت عارف كام رساله ممكن تكون عدت عليك فى اليوم ده وغيره ؟ هل عمرک فکرت فى الرسائل دى أو حتى لاحظتها ؟

ممكن الرسائل دى تكون مواقف أو أشخاص، ربنا بيحطها فى طريقك علشان تنور جواک حاجة.

ولو لاحظتها هتفرق معاك فى حياتک وممكن تغيرها ولو عدت عليك مرور الكرام فحياتک هتفضل زى ما هى بنفس الشعور بالعدى وإلى هو أصلاً مش عادى وده إالى هيحصل مع "هنا" .. هتمر "هنا" بأحداث

تعالوا معايا نشوفها ونشوف هل "هنا" هتاخذ بالها
منها ولا لأ؟!

وهل هتفرق معاها فى حياتها ولا لأ؟

ياللا تعالوا معايا ندخل نعيش مع "هنا" شويه فى
أيامها ونشوف إيه إالى حصل معاها وإزاي هياثر فى
حياتها.

مستعدين؟! يلا بينا

قبل الرسايل بيوم...

صحيت "هنا" فى يوم من الأيام وكان يوم عادى
بالنسبة لها زى باقى الأيام إالى بتمر عليها.

"هنا" موظفة فى بنك وأم ثلاثة أطفال أكبرهم
"يوسف" عشر سنين و"ياسين" سبع سنين وأصغرهم
"جئة" اللى عندها خمس سنين.

وهى زوجة "طارق" موظف كبير فى إحدى
الوزارات.

قامت "هنا" من على سريرها وهى بتقول لنفسها أهو
يوم زى بقية الأيام إالى شبه بعضها اللى بتعيشها كل
يوم.

هي بتصحى كل يوم الساعة ستة تتوضى وتصلى و
تبتدى رحلتها اليومية بتحضير الساندوتشات لأولادها
وبعدين تصحيهم تلبسهم وتفطروهم وينزلوا علشان
يلحقوا أتوبيس المدرسة وبعدها تحضر الفطار ليها
هي و "طارق" وتصحيه يفطروا سوا وبعدين ينزل كل
واحد فيهم على شغله.

بس إحساس "هنا" فى اليوم ده كان مختلف عن باقى
الأيام.

كان عندها حالة من الاعتياد وحاسة بملل وإن أيامها
كلها نسخ مكررة من بعضها واللى بتبات فيه بتصبح
فيه زى ما يقولوا.

بعد ما "هنا" بترجع من شغلها بتجهز الغدا إالى محضراه وتتغدى هى والولاد ولو عندهم تمارين تاخذهم وتطلع بيهم على النادى يخلصوا تمارينهم وترجع بسرعة على البيت ولو ما عندهاش تمارين فهى بتخلص شغل البيت وتذاكر شويه مع الولاد إالى بعد ما بيخلصوا بيتعشوا سوا هما و "طارق" إالى بيكون رجع من شغله على الساعة تسعة كده.


وبعد ما يخلصوا عشا تجرى بسرعة على السرير عشان تلحق تنام شويه عشان تستقبل يوم جديد من أيامها المكررة كالعادة .

بس اللى حصل فى اليوم اللى بعد اليوم ده واللى هيحصل لمدة اسبوع واللى كانت بالصدفة بدايته

وكأنه كان عبارة عن رسائل من ربنا "لهنا" عشان
تبص للحياة بنظرة جديدة...



الرسالة الأولى



رنة جرس

صحيت "هنا" على صوت جرس منبها .. سمعت الجرس قامت اتوضيت وصليت ومارست شغلها اللي بتعمله كل يوم من تحضير ساندويتشات؛ ونزول الولاد؛ وفتارها هي و "طارق" ونزول كل واحد منهم على شغله كالعاده.

دخلت "هنا" مكتبها في البنك؛ وهي قاعده دخلت عليها زميلتها الجديده "همس" ورحبت "هنا" بيها. "همس" بنت جميله جداً عمرها ٢٣ سنه تدخل القلب من اول طله.

المفروض إن "هنا" هتقوم بتدريب "همس" على شغلها الجديد.

وفعلاً ابترت "هنا" تدربها وكانت "همس" ذكية جداً وبتلقط المعلومة من أول مرة وده سهل الموضوع بينهم وساعد "هنا" فى إنها تديها كم كبير من المعلومات فى وقت قصير.

عدى حوالى ساعتين وهما بيتدربوا فقرروا يريحوا شوية وهما يبشربوا النسكافيه ابتدوا يدردشوا سوا ؛ و ابترت "همس" تحكى عن نفسها.

هى اتخرجت فى كلية التجارة قسم إنجليزى بتقدير إمتياز ونزلت شغل فى البنك بس فرع بعيد شوية عن بيتها؛ وعلشان تفوقها قرروا يرقوها لمنصب أعلى ونقلوها لفرع أقرب من بيتها وهو الفرع إالى شغالة فيه "هنا" وده رغم صغر سنها.

وقالت كمان إنها بتحب العزف جداً وإنها بتعزف
جيتار فى فرقة كونتها هى وصحابها من المدرسة
والجامعة وإللى كانوا غاويين عزف وغنا زيها.

وإنها كمان كانت بتشارك فى حفلات الأوبرا مع كبار
الملحنين والعازفين.

"هنا" أعجبت جداً "بهمس" مع إنها لسه يا دوب
متعرفه عليها من ساعات قليلة و اتمنت تشوف "جنه"
بتتها زيها "همس" مخطوبه " لمعز" زميلها فى الكليه
وإللى اتعرفت عليه لأنه غاوى عزف زيها بس هو
بيعزف على القانون فى الفرقة إللى هما كونوها سوا؛
وكمان بيشارك معاها فى حفلات الأوبرا.

"همس" و "هنا" مستمتعين بحوارهم فجأه دخلت عليهم "رحمة".

"رحمة" زميله معاهم فى نفس المكتب واللى كانت شخصيه غير مرحة بالمره وبتاعت مشاكل.

"هنا" عرفتهم على بعض ولانها زى ما قولنا بتاعت مشاكل قررت تبتيها مع "همس" بعد ما اتعرفت عليها قاتلتهم إنتوا ليه سايين شغلوكوا وقاعدين ترغوا
!؟

ردت عليها "هنا" و قاتلتها إنهم بيريحوا علشان اشتغلوا كثير.

ردت عليها "رحمة" كفايه كده راحه و يا ريت نشوف شغلنا وبلاش تضيع وقت.

وعشان "هنا" بتحب تريح دماغها قررت تكمل
تدريبها "لهمس" عشان تسكّت "رحمة" مع إنها عارفة
إنها بتجهز لمشكلة جديدة .. خلصوا "هنا" و "همس"
الشغل واستأذنت "همس" إنها تدخل التواليت.

فى الوقت ده دخلت "رحمة" على المكتب وهى
بتزقق "لهنا" اللى مش فاهمة سبب زعيقها.

قالت إن فيه غلط فى ملف معين من إالى كانت
بتدرب "هنا" "همس" فيهم ودخلت "همس" على
مكتبها على طول وأكنها مش سامعة زعيق "رحمة".

فقامت "رحمة" وجهت الكلام "لهمس" وابتدأ صوتها
يعلى أكثر وأكثر لدرجة إن زمايلهم سمعوا الصوت ؛

لكن "همس" بردو مالفٲش "لرحمة" خالص وأكنها
ولا بتكلمها أصلا.

"رحمة" راحت وقفت قدام "همس" وابتدت تزعق
زيادة وتشوح فى وش "همس" إالى فى اللحظة دى
إنتبتهت إن "رحمة" بتوجهلها الكلام وكانت بتقول
"لهمس" إنت مش بتردى عليا ليه إنت طرشه ؛ فى
نفس اللحظة دى كانت "همس" بتحط إيديها على
ودانها لإنها نسيته تشغل السماعات اللى فى ودانها
وقالتهأ أيوه أنا طرشه.

فى الوقت ده عمّ السكوت على المكان وكأنه خالى
تماماً من البشر.

وفى نفس اللحظة دى نزلت دموع "هنا" اللى
مقدرتش تسيطر عليها فى سؤال لنفسها .

معقول الملاك دى مش بتسمع !!؟

لكن رد فعل "همس" خلاهم يتعجبوا أكثر من
مفاجئتهم إنها مش بتسمع.

"همس" قالتهم وهى بتضحك مالكوا يا جماعة
اتخضيتوا ليه كده؟ أنا كويسة تمام !

أيوه أنا اتولدت عندى عيب خلقى فى السمع ولما
كبرت شوية وبسبب دعاء أمى الدكاترة قالوا إنى
ممكن أزرع قوقعة وأسمع وفعلاً عملت العملية
ونجحت وبقيت بسمع بس بعد فترة بدأ سمعى يقل

تانى ودى حالة نادره وللمره التانيه بسبب دعاء أمى
ليا عرفت إن ممكن أسمع بسماعه معينه وإللى ألف
حمد وشكر بسمع بيها أحسن منكم كلكم وهى
بتحكى الكلام ده الابتسامه كانت ماليه وشها.

وقالت أنا الحمد لله أحسن من غيرى كثير كفايه إنى
الحمد لله لقيت حل غيرى مش لاقى ومحروم من
النعمة دى خالص.

وده اللى خلاكم متلاحظوش إنى مش بسمع بس لما
روحت الحمام وخرجت نسيت أشغلها.

ها بقى يا "رحمة" كتنى بتقولى إيه!!؟

"رحمة" سكتت ومقدرتش تتكلم وخرجت بره
المكتب بسرعة.

و "هنا" محتارة تقوم تحضن "همس" وتكمل عياط
ولا تثبت في مكانها وتمسك نفسها عشان
متجرحهاش.

بس "همس" قصرت عليها الطريق وقامت حضنتها
وباستها وقالتها متقلقيش أنا كويسة وبسمع أحسن
منك


ها بقى هتيجي تسمعي عزفى إمتى ولا إنتِ كمان
طرشه؟!!

وضحكت وهي بتحضنها وقالتها أنا حبيبتك أوى مع
إنى لسه عارفاكى و "هنا" قالتها وأنا كمان بحبك
أوى.

عدى اليوم وروحت "هنا" بس بمشاعر مختلفة عن
كل يوم خلصت كل إالى وراها بسرعة وجریت تنام
وكانها بتهرب من حاجة.



الرسالة الثانية



منحة في محنة

صحيت هنا تانى يوم على صوت جرس منبها بس
المره دى وقع صوت الجرس على ودانها وكأنها
بتسمعه لأول مره.

أول مره تقدر قيمه إنها تقدر تسمع صوت الجرس
وتصحى عليه قد إيه نعمه عظيمه إنك تسمع
وشكرت ربنا وابتدت تفتح عينها وتشوف النور
الطفيف إالى داخل من ورا الستاره قامت بسرعه
عشان تلحق تصلى قبل الشروق وقامت برحلتها
اليوميه قبل نزولها الشغل.

دخلت المكتب بتاعها ولقت "همس" قاعده وكانت
المفاجأه إن "همس" قاعده مع "رحمه" ويضحكوا
سوا!!!

"رحمة" اللي مكانش وراها غير المشاكل قاعدة و
بتضحك كمان.

وفى اللحظة دى قالت "هنا" لنفسها شكل الرسالة
مكانتش ليا أنا بس فيه غيرى كمان إستفاد من الرسالة
وهى "رحمة" اللي ظروف "همس" غيرت نظرتها هى
كمان للحياة.

فى ناس بتظهر فى حياتنا فى بعض الأوقات وبيكون
ليها تأثير زى السحر بتخلينا نعرف قيمة حاجات فى
حياتنا اتعودنا عليها وده اللي حصل "لرحمة" ابتدى
صوت ضحكهم يعلى .

أغلب الناس كانوا مستغربين معقول دى "رحمة" إالى
كنا مش بنسمع إلا صوت خناقها وزعيقها فينا !

عدى اليوم ورجعت "هنا" على البيت وبسرعةً جهزت
الغدا عشان الولاد عندهم تمرين ولازم ينزلوا بسرعة.
جهزوا الولاد شنت التمرين علشان "هنا" معوداهم
يعتمدوا على نفسهم وإن كل واحد يجهز حاجاته
لنفسه وإنه مسؤول لو أى حاجةً نقصت ويتحمل
نتيجةً ده .

نزلوا بسرعةً وراحوا على التمرين؛خلصوا التمرين
وهما فى طريقهم للبيت سأل "يوسف" "هنا".
ماما هو حضرتك عملتلى الماكيث اللى طلبته من
حضرتك من يومين!؟

نزل السؤال زى الصاعقة لأنها نسيت الموضوع وآخر
ميعاد للتسليم بعد بكره .

بس المشكله إنه هياخد وقت ده ماكيت قلعه صلاح الدين.

ولإن "هنا" معوداهم على الإلتزام فلازم هي كمان تكون قدوةً ليهم ؛ فى اللحظة دى ردت على "يوسف" وقالتله أنا نسيت بس أنا هتحمل نتيجة ده ولازم إن شاء الله يكون معاك بعد بكره .

وصلت "هنا" الولاد للبيت وعشتهم ولحسّن الحظ إن التمرين فى اليوم ده كان بيخلص بدرى.

نزلت "هنا" حاولت تسأل وتدور على حد يساعدها إنها تلاقى حد يعملها الماكيت.

وقفت "هنا" قدام مكتبه نزلت وسألت صاحبها على أمل إنها تلاقى عنده حد يساعدها .

وفِعلاً الرَّاجِلُ صَاحِبُ الْمَكْتَبَةِ قَالَهَا إِنَّهُ بَعْدَ الْمَكْتَبَةِ
بِشَارِعِينَ هَتَلَقَى عَمَّ "نُورٌ" الَّى بِيَعْمَلُ مَاكِتَاتِ
وَأَعْمَالِ هِنْدِسِيَّةٍ وَفَنِيَّةٍ تَحْفَهُ.

فَرَحَتْ "هِنَا" وَرَكِبَتْ عَرَبِيَّتَهَا بِسُرْعَةٍ وَوَصَلَتْ عِنْدَ عَمِّ
"نُورٍ" إِلَّى لَمَّا دَخَلَتْ عِنْدَهُ الْمَكَانَ إِنْبَهَرَتْ مِنْ جَمَالِ
الْأَعْمَالِ الَّى شَافِيَّتَهَا ؛ مِنْ دَقَّةٍ فِي تَفَاصِيلِ وَجَمَالِ
فِي الْأَلْوَانِ وَكَأَنَّ الْمَاكِتِ بِيَنْطِقُ كَأَنَّهُ حَقِيقَةٌ طَبَقَ
الْأَصْلَ عَلَى صَغِيرٍ .

دِهْ غَيْرِ مَجْمُوعَةٍ مِنَ الْأَعْمَالِ الْفَنِيَّةِ الرَّائِعَةِ.
وَكَانَ عَمُّ "نُورٍ" بِيَشْتَغَلُ وَهُوَ قَاعِدٌ وَمُدَى "هِنَا" ضَبْهَرَهُ
قَالَتْ "هِنَا" السَّلَامُ عَلَيْكُمْ.

لَفَّ عَمُّ "نُورٍ" وَقَالَهَا عَلَيْكُمْ السَّلَامُ وَرَحْمَةُ اللَّهِ
وَبَرَكَاتُهُ

وإذا بعم "نور" يلف "لهنا" لترى إنه راجل كيف.
وقفت "هنا" فى مكانها متجمدهً وكأن العالم وقف
للحظات وهى بتبص لعم "نور" فى حالة من الدهول
معقول الراجل ده هو إللى بيعمل الجمال ده كله.

وراحت سألته حضرتك عم "نور" !؟

قالها أيوا أنا عم "نور" أوْمُرِينِي .

قالتله هو حضرتك إللى بتعمل الشغل ده

قالها آه إنتِ مستغربهً طبعاً لإنى راجل كيف وبطلّع

شغل بالشكل ده.

قالتله : أنا آسفهُ

قالها : إنتِ بتتأسفى ليه ؟

إنتِ محتاجهُ أعملك إيه ؟

قالتله أنا عايزه ماكيت لقلعه صلاح الدين وإنها محتاجاه بكره ضرورى علشان إبنها ومستعده تدفع إالى هو عاوزه.

قالها أنا مش هاخذ غير حقى واعتبريه اتعمل خلاص.

بس "هنا" الفضول كان هيجننها ونفسها تعرف حكاية عم "نور"!

"هنا" راحت لحد الباب ورجعت تانى

وقالتله :- ممكن أسألک سؤال؟

قالها تحبى تسألنى ولا أجاوبك على طول؟

سكتت "هنا" وعم "نور" بيقولها :-

أنا معايا دبلوم صنايع ومن وأنا فى المدرسه وأنا

بعرف أعمل الشغل ده ورغم إنه بشهادة الكل كان

شغل روعه بس فى الفترة دى أنا كنت بشوفه عادى
جدأ زى أى حد.

اتخرجت من المدرسه واشتغلت مع كذا حد بس
الحظ مكانش معايا .

وفى يوم وأنا راجع من الشغل وبعدى الشارع هوب
خبطتنى عربيه وقعت على الأرض وأنا مش حاسس
بأى حاجه.

قعدت فى المستشفى كذا يوم فى غيبوبه انتهت بإنى
وأنا بفوق وسامع صوت الدكتور والراجل إالى
خبطنى بيقولى حمدالله على السلامة أنت فوقت .

قولتلهم آه الحمد لله ممكن تفتحوا النور بس !
ووسط صمت الجميع فهمت لوحدى إنى خلاص
فقدت نظرى.

زعلت لفترة بس بعدها قررت إني لازم مفضلش فى
مكاني قولى هحاول أرجع اشتغل .

وبعد محاولات كتيره بعدها قدرت اشتغل وأنا مش
شايف وابتدت الناس تعرفنى وتعرف شغلى وسبحان
الله إن سبب إعاقتى يكون هو سبب شهرتى ؛ أخذت
لقب عم "نور الكفيف" وكان عم "نور" بيقول كده
وهو بيضحك كل ده عم "نور" بيحكى و "هنا" واقفه
ساكنه تماماً ؛ فعم "نور" قالها .

أنتِ سمعاني ؟!

قالتله أيوا سمعاك كمل

قاللها بس و أهو كمان يا ستى أنتِ وشك حلو عليا
قبل ما تدخلى عندى جالى تليفون من زبونه عندى

مذيعه فى التلفزيون بتقولى إنها عايزانى معاها فى

البرنامج

أحكى للناس عن حكايتى هابقى مشهور كمان

شوفتى !

وراح قالها جمله علقت معاها جداً :-

ساعات إالى إنت بتفكرى إنه محنة بيكون هو المنحة

اللى بيجيلك بعدها الفرج والكرم الكبير من ربنا .

قالتله "هنا" ربنا يكرمك يا عم "نور" إنت فعلاً راجل

جميل والدنيا جميلة طول ما فيها ناس راضية زيك


ومؤمنة بقضاء الله.

خرجت "هنا" من عند عم "نور" وهى مش عارفة

تعمل إيه غير إنها فضلت تحمد ربنا وتشكره وتدعى

لعم "نور"

الرسالة الثالثة



الرضا سعادة

صحيت "هنا" فى اليوم ده وهى حاسه بمشاعر
مختلفه هى مش فاهمها.

إبتدت تحس بصوت منبها وهى بتصحى ؛ وعينيها
وهى بتفتحهم بمتهى السهولة كده إن دى نعمه كبيره
لازم تشكر ربنا عليها ليل و نهار وحتى ميقضيش.

قامت "هنا" و خلصت شغلها فى البيت ونزلت على
شغلها فى البنك زى كل يوم.

قعدت فى مكتبها وتليفونها رن :-

الو مين : كان "طارق" على التليفون وصوته بيرقص
من الفرحة .

بيقول "لهنا" إنه اترقى فى وظيفته وكان طائر من السعادة و "هنا" كمان فرحت جداً وعزمت كل زميلها فى المكتب بمناسبة ترقية "طارق" رجعت "هنا" واتعدت هى والولاد ونزلت على التمرينات دخلت "هنا" النادي وقعدت وبعدين دخلت عليها "راجية" وهى مامت صاحب يوسف إنها فى التمرين .

وكان شكلها حزين جداً ؛ سألتها "هنا" مالك خير طمنيى عليكى شكلك فيكى حاجة !

قالتها "راجية" لا مفيش أنا كويسه ولكن مع إلحاح "هنا" فى السؤال لإنها كانت شايفة إن "راجية" على غير طبيعتها "راجية" مرحة جداً وضحكتها مش

بتفارق وشها فأنها تبقى متضايقه كده معناه إن فى حاجة كبيرة حصلت؛ وفعلاً توقعات "هنا" كانت صح.

جوز "راجيه" كان شغال فى شركة كبيرة وللأسف الشركة دى قررت تستغنى عن الكوادر الكبيرة لأن مرتبتاهم عالية وتجب موظفين صغيرين بمرتبات أقل ؛ لأن الشركة مكاسبها قلت وده الحل المناسب ليهم فى الفترة دى.

"راجيه" كانت بتتكلم وهى مضايقه بس كانت بتقول إنها واثقه إن ده خير من عند ربنا وأكد ربنا شايلهم حاجة أحسن ولقيت "هنا" إن المفروض الكلام ده هى إالى كانت تقولهولها عشان تصبرها ؛ لقت إن

"راجية" بنفسها قالت كل الكلام اللى ممكن يتقال
وقد إيه عندها يقين بالله .

هى مكنتش متضايقه إن جوزها ساب الشغل هى
كانت متضايقه علشان جوزها حس بعدم التقدير بعد
خدمته الطويلة فى الشركة ومجهوده المستمر فيها .

وكان رد "راجية" عليه أنت كنت بتعمل إالى عليك
وربنا عمره ما هيضيع تعبك ابداً .

قد إيه "هنا" كانت معجبه بيقين "راجية" فى الله وإن
قد إيه هى واثقة إن الخير جاى جاى ..

وإن ربنا كان كارمها قد إيه الفترة إالى فاتت فمش
معقول مش هتشكره على نعمه اللى مغرقاها طول

عمرها علشان أزمه هي واثقة إن ربنا مخبي لها خير
كبير وراها وإنها منعت عنهم شر أكبر.

"هنا" سعادتها بموقف "راجية" غطت على سعادتها
بترقية جوزها إالى تقريبا نسيته.

"فهنا" كانت مضبطة إنها هتعمل حفلة عائليه صغيرة
بينها وبين أسرتها الصغيره بمناسبة ترقية "طارق".

بس بسبب إنشغالها بموضوع "راجية" إالى كان
عندها فيه مزيج من الزعل علشانها والفرحة بموقفها.

"هنا" قالت "لراجية" أنا معنديش كلام أقولهلوك أكثر
من إالى أنتِ قولتيه خليتينى متفائله بدل ما أنا إالى
أخليكي كده.

نورتى قدام عينيا حاجات كثير وعرفتيني معنى الرضا
والشكر الحقيقى ليكى .. أنا سعيدة إن فحياتى إنسانة
جميلة زيّك.

"راجية" قالتها أنتِ إلیّ جميلة وخليكى متأكدة إن
ربنا فرجه كبير و كرمه أكبر .

وإن بعد المحنة منحة؛ رنت الكلمة فى ودانها
وافتكرت كلمة عم "نور" و الماكيث اللی لازم
تستلمه .

الولاد خلصوا تمرينهم وأخذتهم "هنا" علشان
تروحهم وتروح تستلم الماكيث .

وهى بتسلم على "راجية" وتقول لها إن شاء الله هسمع منك كل خير عن قريب وربنا هيرزقك كل خير علشان أنتِ نيّك حلوة .

روحت "هنا" الولاد وراحت تستلم الماكيث من عم "نور" واللى فعلا كان روعه كأن "قلعه صلاح الدين" قدامها فعلا شكرت "هنا" عم "نور" وقالتله إن شاء الله هعمل كل شغل الولاد عندك وهجييلك كمان صحاب ولادى وشكرها عم "نور" على شعورها الجميل وقالها ربنا يكثر أمثالك .

وهى فى طريقها للبيت عدت على محل حلويات إالى فكرها بالحفلة إالى كانت عايضة تعملها "لطارق"

وفِعلاً نزلت اشترت تورتيه صغيره وطلعت على
البيت عشان تلحق الولاد قبل ما يناموا عشان يحتفلوا
سوا .

طلعت "هنا" وحطت التورته على السفره وجهزت
الدنيا هي والولاد وطفوا النور عشان يفاجئوا "طارق".
وفِعلاً فاجئوه وكانت فرحه كبيره أوى إن "هنا"
والولاد فرحانين بيه وبنجاحه .

بعد ما الولاد ناموا قعدت "هنا" و "طارق" يتكلموا مع
بعض شويه عن يومهم و "طارق" بيحكى "لهنا" عن
منصبه الجديد

وفى وسط الكلام قالها إنه محتاج حد يكون أمين
ومحترم يكون مدير مكتبه .

عشان مدير المكتب القديم إتقل مكان تانى وإنه
صعب يلاقى حد زيّه .

وفى اللحظة دى لمعت عين "هنا" وهى بتفتكر كلام
"راجية" وكلام ربنا إالى هى مستنياه فقالت بسرعة
"لطارق" أنا أعرف حد أمين ومحترم .

قالها مين!!

قالتله: "محمد" جوز "راجية" أنت عارفه.

قالها طبعا ده راجل محترم جداً وسمعتة كلها خير
بس مش هو عنده شغل !

حكيتله "هنا" الحكاية قالها سبحان الله فعلاً أنا لو
كنت قعدت أرتبها عمرها ما كانت هتيجى كده .

سعادة "هنا" مكتش في إنها جابت شغل لجوز
"راجية" سعادتها كانت إنها اكتشفت إن اليقين بالله
والرضا مفتاح الفرج لكل أزمه .

وإن لو اتجمعت الدنيا كلها عشان ترتب الترتيب ده
مش هتعرف لأن ترتيب ربنا بيجازى بيه عباده
الصابرين الشاكرين .

"راجية" علمت "هنا" ازاي تشكر ربنا على الضراء قبل
السراء .

وبسرعة اتصلت "هنا" "براجية" وكان نفسها تفرحها
هى و "محمد" وتعرفها إن يقينها بالله نعمه كبيرة
عندها تفوق كل النعم لأن هى اللى بتجلب كل النعم
.

وردت "راجية" على "هنا" إلى أتأسفت لها عشان
بتتصل فى وقت متأخر بس لأنها نفسها تفرحها
وبلغتها بالخبر وفى اللحظة دى بكت "راجية" مع إنها
مدمعتش حتى وهى بتحكى "لهنا" المشكله إلى فيها.
فرحه "راجية" مكتش بالشغل فرحه "راجية" كانت
ياحساسها إن ربنا جنبها وسامعها وحاسس بيها .


وكانت أول كلمه "لراجية" ده كتير عليا يا رب لو
قضيت عمرى كله أشكرك مش هيكفى كرمك معايا
؛ قد إيه حست "راجية" إن ربنا بيطببط عليها
وبيقولها " ولئن شكرتم لأزيدنكم" وده اللى فعلا
حصل معاها .

شكرت "راجية" "هنا" على إحساسها بيها ووقوفها
جنبها.

وردیت علیہا "ہنا" قائلتھا انا اِللی بشکرک انا
اتعلمت منک درس النهارده لو فضلت اَشکرک علیہ
مش ہیکفیکي حقک ؛ وقائلتھا ان "طارق" ہیستنی
"محمد" بکرہ الساعه ۹ .

قفلت "ہنا" مع "راجیہ" اِللی اول حاجه عملتھا قبل
ما تبلغ "محمد" باللی حصل راحت تصلی رکعتین
شکر لله علی کرمہ اِللی مغرقھا زی ما ہی قالت .
نامت "ہنا" علی سریرھا وجواھا إحساس جمیل
زرعتہ جواھا "راجیہ" بکلامھا ؛ اِللی اتأكدت اَکثر
باللی حصل وإن ربنا هیأ لها کل الاسباب "لراجیہ"
بس بسبب یقینھا باللہ وإیمانھا بانه سندھا وعونها .

الرسالة الرابعة



فرحة عمر

صحيت "هنا" فى اليوم ده وهى عندها طاقة تفاعول
تملى الدنيا كلها ؛ شايفه الدنيا بعيون جديدة كل يوم
عن يوم بتأكد أكثر وأكثر .

نزلت وراحت شغلها وهى فى مكتبها جالها تليفون
من رقم دولى .

رديت "هنا" وأول ما سمعت الصوت صوتها كان
بيرقص من الفرحة صاحبتهأ أو بمعنى أصح صديقه
عمرها "أمل" وبعد السلامات "أمل" بلغتها إنها
هتوصل بكره القاهره وإنها لازم تستناها فى المطار
لإنها محضرالها مفاجأه فرحت "هنا" جداً واستأذنت

من الشغل بدرى ساعتين عشان محتاجه تشتري حاجات .

وكمان أخذت تانى يوم أجازة عشان تروح تستقبل "أمل" خرجت "هنا" وركبت عربيتها وهى فرحانه جداً إنها هتقابل "أمل" بعد غياب طال ثلاث سنين .

ركنت "هنا" العربيه ودخلت بوابة المول ويدوبك لسه داخله لقت حد بيخبط على كتفها ؛ كانت "إيمان" صاحبه "هنا" عرفتها من فترة وكانت بتحبها ومتعاطفه معاها جداً.

"إيمان" متجوزه "شهاب" وأم لطفلين "آسر" و "أيمن" توأم .. "شهاب" كان اسم على مسمى شعله من نار

بس للأسف مش بتشع نور لا دى بتأذى كل إल्ली
حواليها.

كان صعب جداً فى معاملته مع مراته و أولاده إल्ली
كانوا مش بس بيخافوا منه لا دول بيتربعوا منه.

كل ما أى حاجة يعملوها لازم يتعاقبوا عليها وحتى
لو عملوا أى إنجاز فهو شايف إنهم لازم يبقوا أحسن
حتى لوهما فى المراكز الأولى إल्ली هو كلية الطب
هيدخلوا

أحسن من كدا إيه؟! منعرفش .

"آسر" سنه أولى جامعه كلية هندسه و "أيمن" سنه
أولى جامعه كلية طب اسنان.

وطبعاً باين من كليتهم انهم ما شاء الله متفوقين
"إيمان" دى انسانة جميلة مع إن كل إالى حوالها
كانوا بيلوموها على سكوتها على إالى بيعمله
"شهاب" وتحكمه فى كل كبيرة و صغيرة ومعاملته
إالى معظمها جفاء سواء ليها أو لولادها إلا إنها كان
عندها إيمان دايماً إن "شهاب" جواه حاجة حلوة هى
بس اللى كانت لمساها مهما أى حد كلمها وحاول
يقسيها عليه إلا إنها كان ردها دايماً إن شاء الله هيبقى
كويس وإنه والله جواه خير كثير إنتم بس إالى مش
عارفينه ولا فاهمينه كويس .

و "هنا" كانت دايماً تقول لصحابها سيوها فى حالها
طالما هى راضية بعيشيتها بلاش تقولولها كلام

يضايقها سييوها تتعامل بطبيعتها هي أكيد لمسء فيه
حاجة إحنا مش شايفنها

أصلاً "إيمان" عمرها ما اشتكيت لكن هما إالى كانوا
بيشوفوا بعينهم إالى بيحصل لإن "شهاب" زي ما
قولنا اسم على مسمى فكان ممكن عادى جداً لو
الشهاب إشتعل بيرمى بشهب على أي حد فى أي
مكان .

سلمت "إيمان" على "هنا" وقالتلها إنها فرحانة علشان
شافتها وكأنها نزلت من السما وقالتلها ينفع نقعد
نتكلم مع بعض شويء وطبعاً "هنا" وافقت .

"إيمان" أصلاً ملامحها طيبة وجميلة بس "هنا" كانت
لمسة في ملامحها جمال أكثر وعيون بتلمع وبالذات
صوتها كأنها بترقص ونفسها تحكى وتتكلم .

دخلوا كافيهِ وقعدوا وبدأت "إيمان" تحكى "لهنا" إن
"شهاب" مر بأزمةٍ صحيّةٍ جامدةٍ جداً دخل فيها
المستشفى وقضى فيها ١٠ أيامٍ لامت "هنا" "إيمان"
إنها مقاتلش بس "إيمان" دائماً مبتحبتش تشيل حد
همها وقالتلها كلمتها الموعودة كل واحد فيه إالى
مكفيه وزيادة المهم مش فى الأزمة إالى الحمد لله
عدى منها على خير .

المهم فى إالى حصل بعدها إن "شهاب" اتغير تماماً
وقفى جنبه أنا و ولاده وإحساسه بحبنا ليه وخوفنا

عليه رغم قسوته خلته يقف مع نفسه وقفه واللى عاد
فيها كل حساباته تقريباً .

وكان ربنا حب يعوض صبر "إيمان" وإيمانها ويقينها
إن "شهاب" فى جواه خير محدش لمسها غيرها بطيبه
قلبها وحنيتها .

"شهاب" بقى بيهتم بولاده وحتى نبره صوته فى
الكلام معاهم اختلفت بقى عادى جداً وبقى يطبب
عليهم وهما فى السن ده فى حين إنه عمره ما عمل
كده معاهم لما كانوا أطفال !

إبتدى يطلب إنه يخرج معاهم وإنهم يجيبوا
أصحابهم البيت لإن ده طبعاً كان ممنوع ؛ لا ده كمان

بقى بيقعد معاهم هما واصحابهم يهزر و يضحك
عادى .

"إيمان" كانت بتقف تشوف كده وهى بتضحك و
دموعها بتلمع فى عيونها من الفرحة .

مش من تغير "شهاب" هى كانت فرحتها إنها كانت
حاسه من زمان إن ربنا بيطبطب على قلبها إالى كان
مليان ثقة بالله إن الفرحة جايه جايه .

"شهاب" ابتدى يتعامل برقه ولطف مع "إيمان" لا ده
كمان بقى بيقف يساعدها فى المطبخ إالى مكنش
بيدخله غير بس علشان ينتقد حاجه مش عاجباه أو
يلومها إن الأكل مش حلو أو يزعق حتى لو نسيت
تحط الميه مع الأكل .

وبقى لازم ياخذها يوم فى الأسبوع ويخرجوا يتعشوا
أو يتعدوا بره ؛ وبيقعد يتكلم معاها كلام رومانسى و
يتأسفلها على معاملته ليها فى السنين اللى فاتت .

وكان بيقوللها بالحرف الواحد أنا حاسس إن كان فيه
غشاوة على عيني واتشالت وبقيت شايف حاجات أنا
عمرى ما كنت شايفها قبل كدا و إن فيه نعم كثير أنا
عمرى ما كنت حاسس بيها وإن من أكبر النعم دى
هى الأولاد ؛ لإن لولا صبرك عليا كان زمان بيتنا إتهد
من زمان .

وفى اللحظة إللى قاللها فيها كده افتكرت دعوة كانت
بتدعيهاه ومش بتدعى بغيرها فى كل صلاة "اللهم
ارزقه لين القلب ونورا من نور وجهك الكريم " وده

إلى حصل فعلاً معاه ربنا نورله قلبه وخلاه رحيم
بيها و بولاده .. "إيمان" وثقتها فى الدعاء واليقين إلى
كانت بتدعى بيه خلى دعوتها تتحقق حتى لو بعد
سنين .

إلى بقت مش حاسه بيهم ولا كأنهم مروا ولا
عاشتهم أصلاً وكأن حياتها ابتدت من اللحظة دى
وأولادها إلى ربتهم بطيبه قلبها وإلى رغم قسوة
"شهاب" عليهم كانت دائماً بتلاقيه مبرر ليهم علشان
يحبوه وكانت دائماً إن كل ده حب وخوف عليهم
كانت بتزرع حب أبوهم فى قلوبهم وعمرها ما
قسيتهم عليه .

الحب إالى بقى مالى بيتهم وحياتهم وإلى يأكد إن
إلى بيزرع طيبة وحب عمره ما هيحصد غيرهم .

"هنا" كانت قاعدة بتسمع "إيمان" وقلبها هي كمان
كان بيرقص من فرحته لفرحتها .

وقد إيه الزوج الحنين نعمة و رزق و بيلون حياة
مراته وأولاده الكلام دا خلاها تحس بقيمة "طارق"
وخلاها هي كمان سرحت بنخاها في حياتها .

صحيح أن "طارق" بحكم شغله أغلب الوقت مش
موجود لكن بيتتهز أي فرصة يكون فيها مع "هنا"
وأولاده غير إنه بيساعد معاها في البيت باللى بيقدر
عليه .

افتكرت كوياء الشاى اللى بتلاقيها جنبها لانه
حاسس انها تعبانه ونفسها فيه ؛ طبطبه عليها لو
كانت مخنوقه من المذاكره مع الأولاد أو راجعه من
يوم كله تعب من مشاويرها معاهم كل الحاجات دى
كانت بتبسطها بس كانت بتشوفها عاديه .

لكن كلام "إيمان" عنها وعن فرحتها بعد سنين
الحرمان من الحاجات البسيطة دى ؛ حست "هنا"
بقيمتها وإن قد إيه وإن ممكن أبسط الحاجات
واللمسات تكون سبب من اسباب السعاده والفرحه
طول العمر.

"هنا" نسيت الحاجات إالى كانت جايه تشتريها
وفضلت قاعده بتسمع "إيمان" ونفسها إن الكلام

ميخلصش وكل كلمة من "إيمان" بتفكر "هنا" بلقطة
من لقطات حياتها إالى هي عايشاها وإالى هي
تعتبر حياة جديدة على "إيمان"

"إيمان" إالى كانت فرحانة فرحة طفل صغير نجح
وطلع الأول ومامته جاياله إالى نفسه فيه مكافأة له .

"إيمان" كأنها اتولدت من جديد وعاشة قصة حب
مع "شهاب" فرحانة بكل تفاصيلها وإالى أتصل
"بإيمان" وهي قاعدة مع "هنا" وردت عليه وكأنهم
اتنين لسه مرتبطين ببعض حست "هنا" برعشه فى
صوت "إيمان" من الفرحة إنه مهتم بيها و يسأل
عليها ولما قالتله إنها قاعدة مع "هنا" إالى قابلتها
بالصدفة فقالها تمام ولما تخلص هيعدى عليها

ياخذها وده كان عمره ما بيحصل لو زمان كان زمانه
إنهال عليها بالزعيق وإزاي إنها تقعد مع حد من غير
ما تستأذنه!

"هنا" كانت قاعدة قدامها وكأنها بتشوف "إيمان" بعين
جديدة وفرحانه ليها فرحة ماتتوصفش .

بصت "هنا" فى الساعة ولقت إنها لازم تقوم علشان
تجيب الأولاد من المدرسة مع إنها نفسها تفضل مع
"إيمان" تسمع حكاياتها إالى خلت عندها أمل فى
بكرة إالى بيتغير واحنا مش حاسين إنه بيتغير!

سلمت عليها واتفقوا إنهم لازم يتقابلوا تانى فى
أقرب وقت علشان تكملها ودعيتها إن ربنا يديم

عليها فرحتها راحت "هنا" على عربيتها وهي مش
عارفة هي ماشية ولا طايرة.

كانت فرحانة أوى لفرحة "إيمان" وكان "إيمان"
بكلامها وفرحتها زرعت الفرحة في قلب "هنا" اللي
اتصلت "بطارق" في مكالمه رومانسيه مليانه مشاعر و
حب .


وكانها من غير ما تقصد حبت تعترف "لطارق"
بتقديرها ليه وقيمته عندها إللى كانت أكيد حاسه
بيها.

بس كلامها مع "إيمان" أكد لها وحسها بقيمة الزوج
الحنين وإنه ممكن يكون سبب في شعور زوجته

بقيمتها وإلى كمان بيلون الحياء في عينها بكل ألوان
السعادة والثقة والأمان.



الرسالة الخامسة



دعاء وأمل

صحيت "هنا" في اليوم ده وجواها فرحة كبيرة كأنه
يوم عيد علشان هتقابل صاحبته اللي مقابلتهاش من
ثلاث سنين "أمل".

"أمل" صديقه "هنا" من إعدادى مروراً بالثانوية
والجامعة وإلى لحسن الحظ كانوا بردوا مع بعض
فى نفس الكلية.

إتجوزت "أمل" حب عمرها "وليد" ونظراً لظروف
شغله سافروا بره بعد ستين من جوازهم كانت بتنزل
فيهم أجازة متقطعة وإلى انقطعت من فترة لمدة
دامت ثلاث سنين بس المكالمات بين "هنا" و "أمل"

عمرها ما انقطعت واللى سهلها عليهم طبعاً انت اللى
الحمد لله قرب البعيد .

"هنا" وقفت قدام دولابها وقعدت تنقى لبس كأنها
رايحة تقابل حبيبها بعد طول غياب ؛ طيارة "أمل"
كانت هتوصل الساعة عشرة .

لبست "هنا" ونزلت وهى فى طريقها للمطار كان فى
شريط ذكريات بيمر قدام عينها بتفتكرها والابتسامه
على شفائفها وهى بتفتكر كل لقطه فيه لحد ما
وصلت عند اللقطه إالى كانت بتودعها فيها آخر مره
وهى مسافره وبسرعه قبل ما تعيظت
افتكرت أنها رايحه تستقبلها .

"هنا" كانت بتعتبر "أمل" أختها لإنها معندهاش أخوات بنات؛ وللأسف الفترة الاخيره المكالمات كانت قليلة بينهم وده بسبب ظروف "هنا" وانشغالها وإن كمان البلد التانيه إالى "أمل" كانت فيها كان الاتصال فيها صعب.

وصلت "هنا" المطار ووقفت فى صالة الوصول بشوق ولهفه مستنيه "أمل" وصلت "أمل" وكانت مفاجاه كبيره "لهنا" إالى مقدرتش تمسك دموعها وهى بتحضنها المفاجاه إن "أمل" كانت حامل .

"أمل بعد ما أتجوزت بكام شهر محصلش حمل إبتدت تعمل تحاليل وإشاعات واكتشفت إن حملها هيبقى صعب جداً.

ورغم تطور العلم واكتشافهم لحلول كثير إلى طبعاً
لجأتها "أمل" للأسف برضو محصلش حمل.

وده طبعاً وقعها فى مشكله أكبر وهى إلحاح أهل
"وليد" عليه إنه لازم يبقى عنده طفل وإلى كان
رافض طبعاً إن يبقى عنده ابن من حد غير "أمل"

وسبحان الله كأن سفرهم ده جَه نَجْدَةٌ ليهم علشان
يبعدوا عن كل إلى حوالِيهم .

وبالرغم من إن "أمل" عرضت عليه إنه يسيبها لكن
هو رفض تماماً وقالها إن هى أعلى وأهم عنده من
أى حاجة تانى فى الدنيا وإنه مجربش إحساس إنه
يبقى أب لكن جرب إحساس حبه ليها إلى عمره ما

هيقدر يستغنى عنه وإنها بنته وحيبته ومراته وكل ما
ليه فى الدنيا إالى مش عايز منها غيرها .

حب "وليد" كان بيعوض "أمل" عن أى شعور ممكن
تشعره وبالرغم من إن "وليد" عمره ما حسس "أمل"
إنه نفسه فى طفل بس هى كان نفسها يبقى جواها
طفل منه .

ومع إصرار "وليد" وتمسكه "بأمل" فمكنش قدام كل
إلى حوالهم إلا إنهم يدعولهم إن ربنا يرزقهم
بالذرية الصالحة ومع كتر محاولات "أمل" ولجوتها
لكل الوسائل الطبيه المتاحة ؛ إلا إنها فى الفتره
الاخيره بطلت تحاول بس عمرها ما بطلت تدعى أبداً

كانت على طول بتدعى ربنا وبعد ما تدعى تقوله يا
رب أنا عارفه إنك سامعنى وهتحقلى كل إल्ली أنا
بتمناه .

عمرها ما فقدت الأمل ولا يئست بالعكس الأمل كان
عندها بيزيد يوم بعد يوم وعمرها ما كانت فاهمه هى
جايبة الثقة دى منين بس أملها فى الله كان أكبر من ما
أى حد يتوقع !

ولأن "أمل" عشريه جداً وبتحب الناس فكانت فى كل
بلد بتسافرهما مع جوزها ليها علاقات جميله باللى
حواليها

وكان ربنا بيعوضها عن غربتها وفقدانها للأموه بناس
حواليها بيعبوها ويبصعب عليهم فراقها .

فى آخر بلد سافرتها كانت لحسن الحظ بلد عربى
كان ليها جاره جميله جداً ساكنه جانباها هى ومامتها ؛
واللى حست "بأمل" كأنها بنتها ؛ واللى لما عرفت
إنها ربنا لسه مرزقهاش كانت بتدعيها وتقولها إن
شاء الله ربنا هيرزقك بتوأم وبكره تشوفى .

ورغم إن "أمل" إالى دعولها كتير ومنهم القريب
والغريب بس كانت دعوه مامت جارتها كان ليها أثر
تانى خالص فى نفس "أمل" .

كان جواها إحساس خفى بيقوللها إن الدعوه دى
هتتحقق !وبعد مرور سنه تقريباً ؛ صحيت "أمل" فى
يوم وهى دايقه ومرهقه جداً ؛ واتصلت "بوليد"

وطلبت منه ييجى يروحوا للدكتور عشان خايفه
تسوق وهى دايخه كده .

بسرعه جالها "وليد" وراحوا لأقرب مستشفى جنبهم
وبعد ما كشف عليها الدكتور طلب منها تعمل اختبار
حمل إستغربت "أمل" جداً وقالت للدكتور إن ده
صعب وأكيد فى حاجه غلط ؛ رد الدكتور وقالها

أولاً مفيش حاجه صعب على ربنا تانى حاجه أنا
بقول تقريباً متأكدتش عشان أتأكد أكثر وفعلاً راحت
"أمل" تعمل التحاليل وجواها فرحه عماله تجمعها
وخايفه تكبرها جواها لغايه ما تتأكد وكانت المفاجئه
الكبيره "لأمل" و "وليد" إنها فعلاً حامل !

لحظة سعادة و فرحة ملت قلوبهم وهما يبعضنوا
بعض ومفيش على لسانهم غير ألف حمد وشكر
ليك يا رب على رزقك وكرمك .

إحساسهم بإن ربنا أعطاهم هدية غالية وكبيرة أوى ؛
بسرعة "أمل" طلعت تليفونها وكان أول اتصال لمامت
جارتها عشان تفرحها إن ربنا قبل دعوتها ؛ الدعوة
إلى كانت طالعة من القلب بجد فوصلت للسما
وتقبلها رب العالمين .

ووسط دموع و فرحة "أمل" وصوت مامت جارتها
إلى مكنش طالع من الفرحة والعياط .

كان واقف "وليد" بيضطب عليها وواخدها فى حضنه
.

وبعد شوية راحت "أمل" متابعه مع الدكتور بتاعها و
إذا بالمفاجأه الثانيه إنها حامل فى توأم فعلاً فى
اللحظه دى حست "أمل" إنها مش عارفه تشكر ربنا
ازاى هى و"وليد" وإللى كانوا بالفعل أول حاجه
عملوها أول ما اكتشفوا إنها حامل إنهم عملوا صدقه
جاريه لمولودينهم إللى لسه ماوصلوش للدنيا
فرحتهم كانت أكبر وأكثر من إنها حامل

فرحتهم إن ربنا كافأهم على صبرهم ورضاهم إللى
عمره ما اختلف أبداً بالعكس كان بيزيد يوم عن يوم
وبيقربهم من بعض أكثر وأكثر .

جريت "أمل" على بيت جارتها وحضنت مامتها إللى
كانت فرحتها بيها كأنها بنتها .

وعدوا شهور الحمل وكانت "أمل" نفسها تنزل تولد
فى مصر وسط أهلها وطبعاً صديقة عمرها "هنا" إالى
كانت حضنها ودموعها نازلة مش عارفه توقفها من
الفرحة بيها .

"وليد" طبعاً مسبهاش أخذ أجازة ونزل معاها علشان
يبقى جنبها وهما فى انتظار فرحة عمرهم إالى جت
بعد طول انتظار .

وكان أهل "وليد" و "أمل" بردوا فى إنتظارهم والفرحة
مش سيعاهم و "وليد" بيقولهم شفتوا أنا عمرى ما
كنت هعوز ولاد غير من "أمل" ؛ والحمد لله ربنا
رضانى وصلت "هنا" "أمل" لبيتها لإنها ركبت معاها

وقعدت تحكيها شويه الحكايه دى كلها ودموعهم
وفرحتهم مدموجين ببعض.

نزلت "هنا" من عند "أمل" وهى حاسه بشعور جديد
تجاه اولادها إالى طبعاً بتحبهم وبتموت فيهم بس
عندها

شعور مختلف إالى هو ربنا أداها نعمه من غير أي
مجهود بعيداً طبعاً عن مجهود الحمل بس إنه الحمل
جه بطريقه سلسه وطبيعيه من غير أي تدخل جراحى
أو غيره .

فكره عمرها ما خطرت على بالها مع إنها كانت
عارفه حكايه "أمل" من زمان وكانت بتدعيها على
طول لكن فرحه "أمل" وشكرها لربنا إالى مفارقش

كلامها طول ما هي بتحكى هو إلی خلق الإحساس
ده جوا "هنا" حسسها فعلاً بالنعمة اللى عندها .

وإلی خالاها جريت على أولادها فى اليوم ده
وفضلت تبوس أيديهم وراسهم وفضلت تحضن
فيهم وكأنها بتكتشف النعمة دى من أول وجدید
وقعدت تشكر ربنا على نعمة الأولاد اللى مکتش
حاسة قد إيه هي نعمة عظيمة .


وبسرعة خطر فى بالها "أنس" وده طفل يتيم بتكفله
"هنا" وإلی مقررہ إنها مش هتكفله فلوس بس لا دى
کمان كانت بتاخده معاها من وقت للتانى تخرجه
ويقضى ساعات يوم مع أولادها بس المره دى قررت

تاخده معاها فى لمة العيلة اللى دايماً بيتجمعوها يوم
الجمعة .

وراحت على طول اتصلت بإدارة الملجأ وطلبت
منهم إنهم يجهزوا "أنس" الصبح عشان هتعدى تاخده



الرسالة السادسة



برد و دفا

صحيت "هنا" وبسرعة نزلت عشان تجيب "أنس"
لإنها كانت عايزاه يلحق يفطر معاهم وينزل يصلى
الجمعة مع "طارق" والأولاد قبل ما يروحوا بيت
العيلة .

دخلت "هنا" الملجأ واستلمت "أنس" إالى كانت
عيونه بترقص من الفرحة وحضنها جداً لدرجة إن
"هنا" مكنتش عايزة تسيب حضنه .

ركبوا العربية و "أنس" بيقولها أنا بحبك أوى يا ماما
"هنا" وبشكر ربنا كل يوم إنه أعطانى حضرتك بعد
ما حرمنى من أمى و أبويا ردت عليه "هنا" أنا بموت
فيك يا حبيبي .

"أنس" دلوقتي عنده ١٠ سنين "هنا" متكفلة بيه من وهو عنده ٦ شهور وهو ولد ذكى وشاطر جداً والكل بيشهد بأدبه وربنا فعلاً عوضه "بهنا" إल्ली كانت مهمته بيه وبتسأل عليه باستمرار وبتاخده تفسحه مرة فى الشهر .

بس أول مرة تفكر فى إنها تاخده معاها فى وسط لمة العيلة إल्ली أغلبهم عارفين "أنس" من حكاوى "هنا" عنه وعن طبيته واخلاقه .

وعلى الرغم من ظروف "أنس" لكن كان لازم كل فترة من الوقت للتانى يجيب هدية "لهنا" وساعات كان بيبقى عاملها بأيده تعبير منه عن حبه ليها ؛ وبالرغم من يتمه وفقدانه لحنان أمه وأبوه إلا إنه كان

فيه حنية الدنيا ويساعد كل زمايله سواء من الملجأ
أو في المدرسة إلى قدمته فيها "هنا" و "طارق" إلى
كان بردوا حنين عليه.

وصلت "هنا" البيت وطلعت حضرت الفطار وفتروا
كلهم مع بعض و "أنس" معاهم في وجود دفا وحب
وبعدها نزلوا صلوا الجمعة سوا وطلعوا على بيت
العيلة.

كانت "هنا" مديئة فكرة لإخواتها إنها هتجيب "أنس"
معاهما هما كانوا عارفينه من حكاوى "هنا" و لكن
عمرهم ما شافوه دخلوا البيت وكانت مفاجأة "لأنس"
إن كل واحد منهم جايبه هدية مفيش حد فيهم اتفق

مع التانى ولكن وكأن القدر قرر يسعد " أنس " فى
اليوم ده .

سلموا عليه وإبتدى كل واحد فيهم يدى الهدية
"لأنس" إالى كان مش عارف يتكلم ولا يقول حاجة
من كتر فرحته "أنس" كان فرحان إنه رايح بس بردوا
كان عنده إحساس بالخوف هو متعود على "هنا" بس
مش عارف الباقي هيتعامل معاه إزاي .

وكأن ربنا حب يطمنوا

من أول ما دخل عشان يعرف يعيش حلاوة اليوم كله
كلهم كانوا فرحانين بيه جداً وقعدوا يقولوا "لهنا"
فعالاً زى ما وصفتى ولد جميل و مؤدب .

وكانهم بردوا كلهم ومن غير اتفاق قرروا يدوا كل
الحنان فى اليوم ده "لأنس".

مفیش ولا واحد فىهم كان مهتم غير "بأنس" مفیش
ولا واحد ولا واحدة فىهم اتعامل مع أولاده بطريقه
تحسس "أنس" بأنه يتيم وحتى أولاده شاركوا معاهم
فى لعبهم والبلايستيشن .

كانت "هنا" طول اليوم مركزة مع ملامح "أنس" إلی
كانت السعادة بتنط جوه عیونه اللی ملیانة فرحة
وبراءة ودارت بعینها حوالیها وهی بتبص لكل واحد
من إلی موجودین أمها وأبوها؛ أخواتها وأولادهم
حتى أولادها وجوزها وكأنها بتشوفهم بعین جدیدة
"أنس" حسسها یعنى إیه لمة العیلة ؛ إلی هی

بتتجمعها كل جمعة مرة عند عيلتها ومرة عند عيلة
"طارق" حسسها بنعمة موجودة في حياتها وتتعامل
معاها على إنها حاجة عادية بس قد إيه هي نعمة
كبيرة أوي .

قعدت تفكر هو "أنس" لو مكنتش هي معاه كان
ممكن يعيش الجو العائلي ده ولا لأ ولا هو أصلاً
حاسس بيه ولا لأ!

ده خلاها تسرح لأبعد من كده هو "أنس" لما يكبر
إزاي هيبقى عنده عيلة كده!؟

أسئلة كتير دارت في دماغها وشريط ذكريات مر قدام
عينها عنها هي وأمها وأبوها وأخواتها وبعديهم
حياتها هي وجوزها وأولادها .

شريط خلاها شايفة عيلتها بشكل جديد حاسه
ناحيتهم بمشاعر مختلفه بصت لأمها وأبوها وهي
بتقول جواها ربنا يديمكم في حياتي نعمه .

بصت لأخواتها وهي بتقول الحمد لله إني ليا سند في
الدنيا .

شكرت ربنا حتى على الحنيه إल्ली ربنا زرعها في
قلبها وقلب عيلتها لإنها بردوا افتكرت في دماغها
أمثلة لناس مروا في حياتها كانوا بيعانوا من قسوة
أمهم وأبوهم وأخواتهم وقد إيه ده أثر في حياتهم
بالسلب وفقدهم جزء من السعادة

كانت حابه تقعد أطول وقت ممكن عشان تخلى
"أنس" مبسوط ؛ كانت خايفه إنها تقولوا يللا لتكسر
الفرحه دى جواه .

قضوا اليوم وسط لعب وضحك وهزار ومسابقات
بين الولاد وبعض وبعدين كان لازم يروحوا .
نزلوا وروحت الأولاد و "طارق" الأول وبعدين
راحت توصل "أنس"

قالتله مبسوط يا "أنس" قالها أنا أول حاجه هاعملها
أول ما أروح إنى هصلى ركعتين شكر لله .
بصيتله "هنا" وهى مستغربه طفل عنده ١٠ سنين أول
حاجه جت فى باله إنه يصلى ركعتين شكر !
بس هى براءه الاطفال وفطرتهم .

قالتله ليه يا "أنس" قالها عشان ربنا رزقنى بحضرتك
فى حياتى

حضرتك عمرک ما حسستينى إنى يتيم فيه ولاد
حواليا كتير فى الملجأ بيتكلموا عن اليتيم بس أنا فعلاً
مش حاسس بده وجودک فى حياتى أنتِ وبابا
"طارق" مخلينى مش حاسس بيه هو أنا مش عايش
معاكم آه بس الوقت إالى بقضيه معاكم بيحسنى
بدفا بفضل مکمل بى لحد ما بشوفکم تانى !

صحيح صحابى بيحسوا ببرد اليتيم بس انتوا وجودکوا
محسنى بدفا .

والنهاردة وأنا معاکوا ومع لمه العيله حسيت أن ربنا
بيحبنى أوى إنه رزقنى بيکم ؛ إنتم نعمه كبيره أوى
لو فضلت أشکر ربنا عليها عمرى كله مش كفايه .

مش كل يتيم ربنا رزقه باللى رزقنى بى يبقى هو أكيد
بيحبنى .

"هنا" كان عندها ذهول من كلام "أنس" إالى كمل
كلامه وقالها إن ميس الدين قاتلهم إن ربنا كريم
ومدينا نعم كتيرة أوى مهما عملنا مش هنعرف
نحصيها وكمان قاتلنا إن كل يوم نخصص نعمة
نشكر ربنا عليها وأنا النهاردة هخصص اليوم ده
لحضرتك وقالها على فكرة دى مش أول مرة أشكر
ربنا على نعمة وجودك فى حياتى أنا بعملها كتير
بس أنا النهاردة حاسسها أوى .

بصيتله "هنا" وقالتله أنت نعمة كبيرة أوى فى حياتى
يا "أنس" وإن ربنا هداك ليا عشان تعلمنى درس
جميل "أنس" قالها أنا!؟

قالتله آه ..

إنتَ علمتني ازای أشكر ربنا على كل كبيرة وصغيرة
في حياتي وإن ازای إنتَ ببراءتك وفطرتك أتعلمت
الدرس من الميس بتاعتك ونفذته على طول برافو
عليك يا "أنس" وشكراً جداً ليك يا حبيبي .

أنا النهاردة سعيدة أكثر منك ؛ وأنا كمان هطلع أصلي
زيك ركعتين شكر لوجودك في حياتي .
نزلت "هنا" "أنس" ودخلته واطمنت عليه .

وهي في طريقها للبيت كانت سرحانة في كل إلی
حصل في يومها وازای اليوم اتختم بدرس ادهولها
"أنس" الطفل اليتيم إلی قلبه مليون حنان يكفي العالم
كله .


وإلى عنده شعور بالعرفان "لهنا" رغم إنها وجهة
نظرها إن إلى بتعمله قد إيه هو شيء بسيط لكن
فارق جداً مع الطفل ده ومديله دعم مخليه مش
حاسس بفقدان عيلته .

"أنس" الطفل الوحيد إلى حسس "هنا" بمعنى كلمة
الونس واللمة وإلى مقدرها أكثر من إلى عايشين
فيها طول عمرهم .

طلعت "هنا" البيت وصليت ركعتين شكر زى ما
وعدت "أنس" ونامت فى إنتظار يوم جديد .



الرسالة السابعة



صحوة

صحيت "هنا" فى اليوم ده وهى بتسترجع شعورها فى
نفس اليوم ده من أسبوع وإللى هو كان إحساس
بالاعتیاد والملل

وفى نفس الوقت افكرت كل الأحداث إلیى مرت
عليها طول الأسبوع وقالت جواها كل إلیى حصل ده
كان رسايل من ربنا ليا ولازم أقرأها وآخذ بالی منها
كویس وأتعلم منها وأعرف مغزاها وابتدت تسترجع
يوم بیومه.

أول یوم ...

وحكايتها مع "همس" البنت الجميلة وإلیى كانت
ممکن توقف حياتها عند مشكلتها وتلوم الظروف

إلى خلتها كده لكن بالعكس مفيش حاجة وقفها
وكانت شايفة دعاء أمها ليها ويقينها بالله سبب فى
نجاحها فى حياتها حتى موهبتها إالى هى العزف
وإلى كان ممكن توقفها وتقول مش هكمل فيها
علشان ظروفى لكن لأ هى اتحدت كل الظروف
وعملت الحاجة إالى بتحبها وإلى نجحت فيها جداً .
وضحكتها إالى مش بتفارق وشها الطيبة إالى
مرسومة على ملامحها وإلى خلت "رحمة" إالى
مكتش بتعرف غير التكشير والزعيق إنها تتغير وتطلع
الطيبة والرحمة اللى جواها وازاى إنها رغم المشكلة
إلى عندها بتشكر ربنا وبتحمده وشايفة إنها أحسن
من غيرها وقدرت

"همس" تحول الهمس إالى بتسمعه لألحان جميلة ؛
تطرب بها الأسماع .

تاني يوم ..

ومقابلتها مع عم "نور" إالى كان إنسان عادى وطبعى
ومفيش حد يعرف عنه حاجة رغم إنه مبدع .

وأول ما حصلتله الحادثة وفقد بصره وإالى كان
ممكن يفضل واقف فى مكانه محلک سر ويوقف
أكثر حاجة بيحبها وهى شغله لكن هو معملش كده
بالعكس ده حاول مرة واتنين وتلاتة وعشرة لحد ما
يقينه وثقته بالله وبقدرته قدر وعرف يحقق إالى
بيحلم بيه .

وكان شاييف إن محتته دى منحه من ربنا خلت كل
الناس عرفوه وبقى من أشهر الناس فى مجاله .
وإزاي هو بيتكلم كدا وعنده ثقه وإيمان بالله وبردو
بيشكر ربنا على النعم اللى عنده .

وكان شاييف إن فقداناه لبصره كان سبب فى شهرته
واللى واحد غيره كان ممكن يكون سبب فى تدمير
حياته كلها .

لكن كل ما زادت ثقته بالله كل ما زاد الرضا عندك
كل ما زادت سعادته ونور حياته حتى لو كنت
مش بتشوف النور ده بعينيك لكن عايشه بقلبك
وجوا روحك وإللى ربك بيسخرها لك فى الوقت
المناسب .

تالت يوم ..

وحكايتها مع "راجية" الإنسانة الجميلة وإلى وحده
غيرها كانت حكمة الدنيا تضلم في عينها وتقعده
تفكر ازاي هتعيش في الظروف الجديدة إالى طرات
عليهم وهي فقدان جوزها شغله.

لكن بالعكس لقيت إنسانة حامدة وشاكرة ربها
وشايفة إنها طول عمرها عايشة في نعم وإن ده أكيد
خير ليها ولجوزها وكانت بتقول ده بيقين وعندها
حالة من السكينة والأطمئنان لأنها واثقة إن آخرها في
إيد ربها وإن أكيد عارف الخير ليها أكثر من نفسها.

حتى خوفها كان على جوزها مش من إल्ली حصل
يقينها إल्ली خلاها أول ما "هنا" بلغتها بالوظيفة
الجديده أن أول حاجة عملتها إنها شكرت ربها لأنها
حسيت إنه بيضطرب على قلبها الواثق فى قدرته
وتدبيره لإن "راجيه" كانت راضيه رضا ربها".

وإن ازاي وفي نفس اليوم كان ربنا كارم "هنا" بترقيه
جوزها "طارق" وكأن الأمور كلها ماشيه فى تسلسل
بتدبير من الرحمن الرحيم عشان ينور أمور معينه فى
قلب وعقل "هنا".

ونروح لرابع يوم ولقائها وإल्ली كان بمحض الصدفة
مع "إيمان" المعنى الحقيقى للصبر وإल्ली عمرها ما
فقدت الأمل بالرغم من كل الكلام إल्ली كانت

بتسمعه وإللى كان ممكن يَأثر فيها وخصوصاً بسبب تصرفات "شهاب" معاها ومع أولادها.

بل بالعكس كان بيزيدها إيمان وثقه بالله وإن التغيير جاي جاي مهما طال الوقت وإن ازاي طبييتها وحنيتها حولت القسوة إللى كان فيها "شهاب" لإنسان جديد.

وإنها عمرها ما يئست أبداً لكن كانت تشكر ربها دائماً وشايفه إن "شهاب" عنده حاجة حلوة محدش كان شايفها غيرها بروحها الشفافة المؤمنة بقدره الله على تبديل الأحوال مهما طال الزمن وإللى حول حياتها لفرحة طول عمرها منتظراها بإيمان من جواها إنها هتتحقق والحمد لله اتحققت مروراً بخامس يوم وإللى كان لقاء ذكريات جميلة مع "أمل" صديقه

عمرها وإللى راجعة بفرحة عمرها إللى جت بعد
طول إنتظار.

وإللى رغم كل الدعوات إللى كان كل إللى حوالين
"أمل" بيدعولها بما فيهم "هنا" طول السنين إللى فاتت
علشان ربنا يرزقها بالأولاد وإللى كان منهم بيدعى
حباً لأمل لأنها إنسانه جميلة وإللى كان علشان "وليد"
إللى فضل صابر مع "أمل" ومش عايز يكون له عيال
غير من "أمل" لكن أغلبهم كان بيدعى وهما جواهم
بيقولوا مستحيل لكن الدعوة الوحيدة اللى خرجت
بيقين من قلب مؤمن إنه مفيش مستحيل قدام إرادة
السميع التقدير هى إللى شقت باب السما واتقبلت
بحذافيرها مامت جارتها قالت إن شاء الله هتجيبى

توأم وقد كلمه لإنها كانت بتدعى وهى مؤمنه إن ربنا
قادر على كل شىء.

والأحلى إن فرحه "أمل" بدأتها بشكر لربها وصدقه
جاريه لأولادها إالى لسه مطلعوش للنور.

"أمل" كان أملها إن ربنا يرزقها وأول ما رزقها شكرته
فى التو واللحظة

مقاتتش إن شاء الله لما أولد هابقى أعمل لا عملت
على طول ؛و هو ده معنى الوفاء.

وسادس يوم و الفكرة اللى جت فى بالها إنها تاخد
"أنس" تحسسوا معاها بلمه العيلة.

"أنس" إالى هى متكفله بيه تقريباً من ١٠ سنين ليه
جه فى بالها إنها تاخده معها دلوقتى!؟

الولد إالى المفروض يتيم و وحيد لكن هو حاسس
بونس ودفا بسبب معامله "هنا" ليه وإلى هى نفسها
مكتتش حاسه بقيمه إالى بتعمله معاه أوى زى ما هو
حاسس بيه كده الولد إالى جواه حنان و طيبة وإيمان
بالله وكأنه كان جاى يديها المغزى.

افتكرت "هنا" كلمه المدرسه إالى قالتها "لأنس" الولد
الصغير إالى طبق الدرس على طول وكان لمبه نورت
جوا عقل "هنا" وهى إننا نخصص كل يوم نعمه
نشكر ربنا عليها".

وقعدت "هنا" تعد الكام نعمه إالى عدوا عليها فى
الكام يوم إالى فاتوا من "سمع و بصر وشغل وزوج
وأولاد و أهل" قعدت تسترجع تانى من أول وجديد

بس بعيون جديدة وازاي إن فيه ناس محرومة من
النعم دى ومع ذلك بتشكر ربنا و ممتنة له و حاسة
قد إيه ربنا كارمها أكثر من غيرها و فى اللحظة دى
نزلت دموع "هنا" إزاي كنت حاسة بملل وبقول إن
كل يوم شبه اللى قبله ده فى حد ذاته لازم أشكر ربنا
عليه.

إن ربنا كرمنى و منحدهش منى نعمه من إالى اتعودت
عليها.

دول كام نعمه بس اللى مروا عليها ده فى ملايين
النعم التانيه إالى أنا مش حاسة بيها ومش مقدراتها
دى رمشه العين دى فى حد ذاتها نعمه .

وإن ربنا حط قدامى ناس فاقدهُ النعم دى عشان
تكون درس ليا وإللى فاقدينها بردو شاكرين لله أو مال
أنا بقى أعمل إيه إللى مغرقنى فى نعيمه.

وكان "أنس" حب ربنا بيعت "لهنا" من خلاله خلاصه
الدرس وهى إننا لازم نشكر ربنا على أي نعمه حتى
لو فقدنا بعضها .

وحست "هنا" جواها بمشاعر جميله و مختلفه نورت
جواها وكان ربنا خلق الاحساس ده فى بداية الأسبوع
؛ عشان لما "هنا" بتمر بالأحداث دى طول الأسبوع
تختمه بإحساس نقيضه تماماً .

إنها بقت حاسه بقيمة كل حاجه فى حياتها ومقدراها
جداً.

و ابتدى شريط حياتها كله يمر قدام عينيها مش
الإسبوع ده بس وابتدت تعد نعم ربنا عليها وهى
مفيش على لسانها غير ألف حمد وألف شكر ليك يا
رب .

وإلى خلاها تحس قد إيه ربنا بيحبها لأنه نور قلبها
وعقلها فى الوقت المناسب و وراها ابتلاءات فى
ناس حوالها مش فى نفسها وإنك تتعلم من الدرس
حتى لو مش إنتَ إالى مريت بيها .

وده خلاها تاخذ شوية قرارات تختم بيها الأسبوع و
بتبدأ بيها حياتها الجديدة نحو عيشة هنا.

تعالوا نعرفها ممكن تكون سبب إننا نعيش إحنا كمان
عيشة هنا .





عيشة هنا

شافت "هنا" إنها علشان تعيش عيشة هنا لازم تعيشها من خلال ثلاث محاور وده من وجهة نظرها وإللى لازم من وقت للتانى تطور المحاور دى وتنميتها ومتقفش فى نفس النقطة لا دا المفروض كل ما تعرف حاجة جديدة تضيفها والثلاث محاور دول هما ...

١-علاقتها بربها

٢-علاقتها بنفسها

٣-علاقتها باللى حواليتها

علاقتها بربها..

"هنا" كانت بتصلى وملتزمة بورد يومى بتقراه .

بس إالى مرت بهى الأسبوع إالى فات نور جواها
إحساس جميل بالنعمة إالى ربنا خلقهالنا من سمع و
بصر وصحة ورزق وغيره وغيره من النعمة التى لا تعد
ولا تحصى.

وإنها كمان شافت إن ناس كتير فاقده بعض النعمة دى
لكن بتحمد ربنا وتشكره وشايفين إنهم فى نعمة
كبيرة .

حست قد إيه إن اليقين بالله والإيمان والقدرة بتعمل
المعجزات شافت إن ناس كانت ممكن تبقى عاديه
وأقل من العاديه وازاى بيقينهم بالله غيروا حياتهم

ولونوها بلون السعادة شافت بعينها إن السعادة بتخرج
من رحم الرضا وده خلاها تفهم إن البداية لأى نجاح
وسعادة وهى العلاقة بالله .

وأول ما بتحط رجلك على طريق اليقين بالله
المفروش بالرضا بتوصل زى الصاروخ للسعادة .

وأول حاجة قررت تعملها بعد كده هو الدرس إالى
اتعلمته من "أنس" وابتدت إنها تحط كل يوم نعمة
تشكر ربنا عليها طول اليوم وتطلع صدقة ولو بسيطة
بنية الشكر على النعمة دى.

وقالت إنها كمان لازم من وقت للتانى تعمل حاجة
أو تتعلم حاجة تضيف لها حكمة وتقوى علاقتها بالله

"هنا" شافت بعينها إن لما العلاقة بين الإنسان وربنا
بتبقى قوية مش بيهمه أي ظروف ولا أي كلام
بالعكس بيديه قوة و إرادة بتخليه يتحدى أي ظروف
؛ لا وكمان بتنور جواه حاجات محدش ييبقى
حاسسها غيره بسبب يقينه بالله ؛ وإيمانه بقدراته .

علاقتك بالله هي إلی بتشحن طاقتك اللى بتواجه
بيها كل مصاعب الحياة برضا وسعادة .

هي بتبقى الأساس لكل العلاقات إلی حواليك
وقبلهم علاقتك بنفسك .

لو أسستها صح هتلاقى باقى العلاقات ماشية بمنتهى
السلاسة حتى لو واجهت أي مشاكل فى العلاقات

دى بيبقى عندك يقين إن ده لحكمه هتعرفها بعدين
لأنك واثقه فى الله وفى الأساس اللى انت بنيته .
وده إالى شافته "هنا" بعينها واتعلمته كويس .
من صلحت علاقته بالخالق صلحت علاقته بنفسه
وبباقى المخلوقات .

علاقتها بنفسها ..

"هنا" بتهتم بشكلها ومظهرها وده لظروف شغلها .
لكن إالى مرت بى خلاها تحس إنها ناسية نفسها
لقت إنها لازم تغذى روحها وقلبها وعقلها وقعدت
تفكر هتعمل ده إزاي؟!!

إبتدت تفكر إزاي تغذى روحها واللى هى بالفعل
خدت فيها قرارات تقربها من ربنا كل ما هتقرب من
روحها وتحس بصفاء وراحة .

وشافت بعينها قد إيه الناس القريبة من ربنا حتى لو
عندهم كوارث فى حياتهم بيتعاملوا معاها بنفس
راضية لأن اللى ناس شايفينوا كوارث هما مش
شايفينها أصلاً لأنهم شايفين إن عندهم نعم تانية أكثر

بكتير لإنهم عايشين بالرضا والسلام النفسى إالى
محسسهم براحة بتغنيهم عن الدنيا وما فيها .

وزى ما احنا قولنا فى القرارات إالى خدتها فى
علاقتها مع ربها من شكر على النعم ؛ والصدقة ؛ وبما
إنها قالت إنها هتتعلم حاجة جديدة تقرب بيها أكثر
من ربنا وتفهم

وتعرف أكثر فقالت إنها فى المرحلة دى هتقرا كل
يوم آية وتحاول تحفظها وتطبقها فى حياتها وقالت
إن دى هتكون البداية بالنسبالها وإنها تتمنى إنها
تكون أول خطوه على الطريق بإذن الله ..وكمان غذاء
الروح الرياضة ولظروف "هنا" قالت هتبدأ بحاجة
صغيرة وإنها هتعمل رياضة عشر دقائق الصبح أول ما

تصحى بس أهم حاجة إنها تستمر عليها لأن زى ما
أحنا عارفين الرياضة غذاء الروح وبعدين فكرت
إزاي تغذى قلبها فقالت أغذى قلبى باني أعمل
حاجة من الحاجات إالى كنت بحبها لأن بطبيعته
شغل "هنا" وظروفها كانت ناسية خالص الجزئية دى

ولقيت إن لما الواحد بيعمل حاجة بيحبها بتفرق معاه
جداً فى إحساسه بنفسه .

وقعدت "هنا" تفتكر إيه الحاجات إالى كانت بتحبها
وأفتكرت إنها كانت بتحب أوى تغير فى اللبس
وتعيد تفصيله من أول وجديد وكانت زمان بتعيد

استخدام لبسها كله بشكل مختلف دي حتى كانت
ممکن تعمل حاجة جديدة خالص .

يعنى ممكن لو عندها بنطلون جينز قديم تعمل منه
شنطه أو ممكن تعمل منه جاكيت بطرق مختلفه
وفكرت وقالت أنا إزاي كنت ناسيه موهبتى دي ؛
دي كمان ممكن تفيدنى جداً؛ لأنها بطبيعه شغلها
بتحب تغير لبس كثير

فرحت "هنا" جداً لما قعدت تفتكر أشكال اللبس
إلى كانت بتعملها وعيونها لمعت زى عيون طفل
صغير فرحان بلعبه بتاعته كانت ضايعة منه ولقاها
وقالت انها من بكره هتبتدى ترجع تمارس هوايتها
دي و تشوف كل اللبس إلى عندها وتطور فيه

وتجدده وكان قلبها بيرقص من الفرحة ولولا إنها
كانت بترتب الخطوات إالى هتمشى عليها الفترة
الجايه كانت قامت حالاً بدأت وقالت لنفسها إن دى
البدايه والخطوه الأولى إالى افكرتها دلوقتى من
هوآيتها القديمه .

وإلى خلاها نطت بسرعه فى تغذيه عقلها أول ما
افتكرت حبها للقراءه وقد إيه كانت بتحس بمتعته كل
لما كانت بتخلص روايه أو كتاب وإن القراءه كانت
من أساسيات يومها حتى وهى فى أيام الدراسه وفى
عز الإمتحانات كانت لازم تقرأ ولو صفحه فى حاجه
بتحبها.

وقالت لنفسها أنا إزاي نسيت كل الحاجات إल्ली
كنت بحبها دى وكأنها لقت نفسها من أول وجديد
وقالت أنا لازم أرجع أقرأ تانى لأنها افكرت العالم
الجميل إल्ली كانت بتسرح فيه بخيالها مع كل كتاب
بتقراه وإن أغلب الحكايات إल्ली بتحكيها لأولادها أو
المعلومات إल्ली بتديها لأولادها فهى كانت من كتب
قرأتها واتحفرت جواها بالرغم من إنها بطلت قراءة
من زمان .

وفى الوقت ده قررت "هنا" أنها لازم تخصص وقت
لنفسها كل يوم تقسمه وتغذى فيه روحها وقلبها
وعقلها وعشان متحكمش روحها أدت لنفسها ساعة
كل يوم يكون بعد ما تعشى الأولاد و "طارق" يناموا
أو بعد ما تصلى الفجر عشان تبقى سايبة لنفسها

مساحة وفي الوقت ده هتقسمه ثلث لروحها وثلث
لقلبها وثلث لعقلها وفي كل جزء هتعمل حاجة من
إللى هي قررتها وقد إيه هي كانت مبسوطه بالفكره
دى حست "هنا" إنها رجعت لنفسها اللى تاهت وسط
زحمه الحياه .

وقالت لروحها حمدالله على السلامة يا "هنا" .

علاقتها باللي حواليا ..

فكرت "هنا" إنها تقوى علاقتها باللي حواليا وإلى
هما الناس المهمة فى حياتها .

أولاً : جوزها وولادها

قررت أنها تخصص وقت ليها هى و "طارق" يقضوه
مع بعض ممكن يكون خروجه لوحيدهم أو عشا مع
بعض فى البيت على أضواء الشموع وإن ده يكون
يوم فى كل أسبوع لأنها لقت إنهم وسط مشاغل
الحياة خروجتهم وكلامهم مع بعض قلت وإلى
خلاها تحس إنهم بعدوا عن بعض شوية وفكرت
كمان إنها ممكن من فتره للتانيه يسافروا مع بعض
يوم ؛ وتحاول تنعش المشاعر بينهم بلمسات بسيطة

تصحى الحب جواهرهم وإللى طبعاً موجود بس ضغوط
الحياة ومسؤولياتها خلت التعبير عنه قل شوية ؛
وفكرت فى كذا فكرة من الافكار البسيطة دى منها
تبعته رساله ولو بسيطه وهى فى شغلها وهو فى
شغله تحسسه باهتمامها بيه أو إنها تفاجأ بهديه
بسيطة يكون بيحبها .

أو إنها بعد ما يرجع من الشغل ويتعشوا مع الأولاد
تظبط قعدة رومانسيه ويشغلوا فيلم
يتفرجوا عليه سوا ولب وفشار بقى ويستعيدوا
الذكريات.

وكذا فكرة وهى بس بتفكر فيهم كانت حاسه بسعادة
وحب ملوا قلبها وصحوا مشاعر جواها كانت مغطيه
عليها زحمة الحياه.

و كانت بتحاول تخرج من المشاعر دى واللى كانت
ملت كيانها ووجدانها وحسيتها قد إيه هى بتحب
"طارق" عشان تفكر فى أولادها وإللى كانت معاهم
على طول سواء وهى بتجيبهم من المدرسه أو وهى
معاهم فى التمارين ؛ بس لما ركزت فى الأحداث
لقت إنها كانت عايشه معاهم فى سبق بتعمل كل
حاجه بسرعه عشان تلحق تدخل على إللى بعدها
يعنى بسرعه تنزلهم للمدرسه ؛ وبسرعه تجيبهم
عشان بسرعه بردوا يروحوا تمارينهم أو يخلصوا
مذاكرتهم عشان يلحقوا يناموا عشان يصحوا بدرى

حتى فى الأجازة ؛ لقيت إنها بحكم شغلها كلامها مع
أولادها آه موجود بس مش كثير .

وفكرت إنها لازم تخصص وقت تحكى فى معاهم
يتكلموا فى كل حاجة و أى حاجة .

وإن لازم يكون فيه قعدة عائلية بتجمع بينهم هى
و"طارق" والأولاد يستمتعوا فيها ببعض ويحسوا فيها
بجو عائلى ملىان بالدفا الكلمة اللى عبر بيها "أنس"
عن شعوره وهو مع "هنا" ؛ حست "هنا" فى اللحظة
دى بمعنى الكلمة .

وأفكرت حياتها فى بيت عيلتها ولما كان بباها
ومامتها بيتجمعوا مع بعض وكل واحد فيهم يتكلم
ويهزر ويضحك ويلعب وقد إيه ده زرع بينهم

ذكريات جميلة ودفا عايشين بيه لحد دلوقتى
وبيحسوا بيه أوى لما يتجمعوا مع بعض يوم الجمعة.
وحتب إنها تزرع المشاعر دى فى أولادها هى كمان
عشان الذكريات الجميلة دى هى إल्ली بتقوى
العلاقات بين الأخوات وبين أمهم وأبوهم .

حتى لو بيبقى فيه خروجات عائلية لكن لمه البيت و
دفاه ليه إحساس وشعور مختلف بالأمان .

وده خلاها تفكر فى عيلتها وإल्ली هى مامتها وبابها
وأخواتها صحيح هما لازم بيتجمعوا كل يوم جمعة ؛
لكن "هنا" حست إنه مش كفاية وقررت إن يكون فى
كل يوم مكالمه، لمامتها وبابها واخواتها هى آه
بتكلمهم بس مش كل يوم؛ بس هى قالت إن ده لازم

يبقى كل يوم ولو حتى هتبقى المكالمه سؤال بس
عليهم وعلى أحوالهم يحسوا إنهم موجودين فى يوم
مع بعض ودا بيقوى إحساسهم بالأمان والترابط إالى
بينهم ويبقى بردوا رساله لأولادهم إنهم يبقوا كده
هما كمان مع أخواتهم إن شاء الله الأخوات سند
وضهر فلو هنشبه العيله بشكل البيت فهيكون الأم
والأب هما الأساس

والعمدان إالى بيقوم عليها البيت والأولاد هما
الحيطان البيت ده إالى لازم تبقى مسنوده ببعض وده
مش هيحصل غير لما الأساس يكون قايم صح .

وأفكرت "هنا" كلام "أنس" عن الدفا اللى حس بى
فى يوم لمه العيله وده حسس "هنا" بنعمه العيله إالى

ممکن تكون كانت حاسه إنها عاديه بس بالنسبه
لناس تانيه نعمه كبيره جداً لأن مش شرط تكون
محروم من العيله بس فى ناس عندها عيله بس
محرومه من اللمه وبعدين فكرت "هنا" فى صاحبها
أو بمعنى أصح أصدقائها المقربين وقررت إنها
تحاول إن يبقى فى بينهم مقابله إن شاء الله كل شهر
يتجمعوا ويستعيدوا فيها ذكريات زمان لأن ده آه
بيحصل بينهم بس بسبب مشاغل الحياه بيحصل كل
فين وفين وقد إيه بترجع هى وأصحابها فى اليوم ده
مبسوطين لمده أسبوع قدام لأنهم بيحسوا
إنهم رجعوا صغيرين تانى وبيفتكروا كل ذكرياتهم
سوا ويفضلوا يضحكوا ويهزروا .

أو لو حد فيهم عنده مشكله فيحس براحه بعد ما
بيحكوها سوا ولو حد عنده حل يقولوا فغالباً مش
بيقوموا إلا وهما عندهم حل للمشكله دى .

وزى ما الأهل مهمين فى حياتنا فالأصدقاء مقلوش
أهميه عنهم .

لأن الأصدقاء إالى بجد بيقوا أهلنا بس مش من دمنا
بيفرحوا لفرحنا ؛ ويتوجعوا لوجعنا ؛ ويوم ما بنقع
بنلاقيهم أول ناس جنبنا دا ساعات مش بيسمحولنا
نقع أصلاً ؛ إيديهم بتسندنا بسرعة وتلحقنا .. ممكن
تقابل صحاب كثير فى حياتك بس الأصدقاء إالى
بجد مش هيتعدوا على صوابع الإيد الواحده .

"هنا" إالى كانت شايفة إن ربنا كرمها بالأصدقاء السند
وإلى وهى بتفكر فيهم بس كانت سعيدة حتى إالى
مسافرين فيهم لما بيرجعوا بيقوا كأنهم سايين بعض
امبارح ولا كأن فات سنه أو سنتين .

وإلى موجودين مع بعض مهما بعدوا أو اتأخروا
على بعض فى السؤال لما بيتكلموا عمر ما حد فيهم
بيعاتب التانى بالعكس كل واحد فيهم مقدر ظروف
التانى .

لما "هنا" فكرت لقت إن ربنا كارمها بأصدقائها دول
؛لإنها شايفة ناس كتير حواليتها بيشتكوا من غدر
الأصدقاء وحيانتهم .

حمدت ربنا وقررت إن أول حاجة هتعملها أنها
تعمل جروب تجمع فيه أصدقائها عشان يسألوا عن
بعض على طول ويتفقوا فيه على مقابلة شهرية
يتجمعوا فيها سوا بره وفى بيت واحدة فيهم وكانت
سعيدة جداً بالقرار ده ورسمت فى خيالها شكل
القعدة والضحك والهزار وإللى خلاها فى منتهى
السعادة .

وبكده كانت خلصت "هنا" قراراتها إللى سجلتها
عشان متنساش حاجة فيهم وإللى كانت سعيدة بيها
جداً .

وقد إيه اتكسفت من نفسها لما قعدت تفكر فى النعم
إللى عندها وإللى كانت بتتعامل معاها على إنها

حاجات عاديه لكن لما شافت إن دي أمنيات وأحلام
لناس تانيه حست بكرم ربنا وفضله عليها .
بس رجعت افكرت رحمه ربنا وغفرانه فاستغفرت
ربنا وقالت سامحني يا رب لو كنت أخطأت وإني لو
فضلت أحمدك وأشكرک باقى عمرى مش هيقضى
وأنا عارفه إنك بتحبني لإنك نورت بصيرتى فى
الوقت المناسب وحسستنى بنعمك عليا فى رسايل
عظيمه من ناس عايشه حواليا وده فى حد ذاته نعمه
تستحق الشكر لإنك حطتنى على الطريق إالى أعيش
بيه "عيشه هنا" .

ودّعت "هنا" الإِسبوع ده بروح جديده وغمضت
عينها عشان تفتحها على إسبوع جديد بعيون ونظره

مختلفة كلها رضا وأمل و يقين بالله إنه هيساعدها في
تحقيق كل قراراتها..

دورك إنت ..

الرسائل إلی مرت علی "هنا" أكید مرت علی كل واحد فینا واحدة او اتین فینا وممكن كلها بس هل أخذنا بالننا منها زی "هنا" ولا عدیت علینا مرور الكرام!؟

خد بالك من الرسالة قبل ما تبقى أنت الرسالة . حاولوا تتعلموا من الدروس إلی بتمر علینا یومياً ، لو كل واحد فینا ركز کویس فی أحداث یومه وفی الناس اللی بتمر علیه هیلاقی رسائل یومیة نتعلم منها دروس حیاتیة.

"هنا" لقطت الرسائل وأخذت علی أساسها قرارات تعیشها "عیشة هنا" ؛ قرارات تناسب ظروفها وحیاتها

يللا قوم أنتَ وأنتِ هاتِ ورقةَ وِ قلمِ وأكتبِ القِراتِ
إلى تناسبكِ أنتِ .

كل واحد فينا حياته مليانه نعم ؛ وأكيد كلنا بردوا
شوفنا ناس كثير محرومة من نعم من وجهه نظرنا
لكن هما برضاهم و قناعتهم شايفين إن الرضا إالى
محرومين لو عايشين من غير نعمة الرضا وإالى هي
أكبر نعمة ربنا مش بينعم بيها إلا على عباده إالى هو
راضى عنهم لأنها بتخليك تشوف القليل كثير وزيادة
كمان ؛ بتملى عينيك وتطبطب على قلبك وتغذى
روحك وتكفيك عن الدنيا وما فيها .

رتب افكارك وبعدين سجلها وحاول تنفذها وممكن
كمان تعدلها من وقت للتانى لو جالك رساله جديدة

ساعد نفسك إنك تلون دنيتهك باللون إلی أنتَ
بتحبه وبالشكل إلی أنتَ عایزه وخليک عارف طول
ما أنتَ عندک یقین بالله هيساعدک ويساندک ويهيأ
لیک کل السبل عشان تشوفها باللون المناسب إلی
بتحبه واعرف کویس إنک عشان تعيش "عیشه هنا"
لازم تحط عنوانها الرضا .

أتمنى ليكم كلکم تعيشوا

عیشه هنا ...

شكر خاص

لكل من ساهم في خروج هذا الكتاب للنور

وأخص بالشكر

صديقتي مرفت حسين لإهداء الشعر لي

وأختي الغالية

سارة جمعة بجهودها معي

رشا جمعة ..